



Eqqissisimatitsinermut Avatangiisinullu Ataatsimiititaliaq  
Inatsisartut

**Stockholmimi nunani tamalaani isumaqatigiissummut tunngatillugu  
nunamut nangaassuteqarnerup atorunnaarsinneqarnerata  
kingunerisinnaasai pillugit apeqqutit**

Allakkap ullua: 04-11-2022  
Suliap normua: 2015-11353  
Allagaatip ilisarnaataa:  
21668202

Postboks 1614  
3900 Nuuk  
Oqarasuaat: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

Eqqissisimatitsinermut Avatangiisinullu Ataatsimiititaliaq 4. novembari 2022-mi Stockholmimi nunani tamalaani isumaqatigiissummut tunngatillugu nunamut nangaassuteqarnerup atorunnaarsinneqarnerata kingunerisassai pillugit apeqquteqaatinik nassiusivoq. Ataatsimiititaliap akissutai matuma kinguliani issuarneqarput, akissuteqaatinik malitseqartinneqarlutik.

- 1. Stockholmimi nunani tamalaani isumaqatigiissut Kalaallit Nunaanni kommune ataaseq arlallilluunniit ESANI A/S atunngippassuk, kisiannili Naalakkersuisut akuerisaat atorlugit ikuallaasarunik pisussaaffiit malissinnaassavai?*

Akissut: Naalakkersuisut naliliinerat malillugu ammaannartumik ikuallaasarnissamut immikkut ittumik akuersissuteqartarnermi Stockholmimi isumaqatigiissummi siunnerfiit naammassineqarnissaannut naapertuutinngilaq. Isumaqatigiissummi ilaatigut pinngoqqaatinik POP-inik aniatitsinerit killilersorneqarnissaat siunertanut ilaavoq. Naalakkersuisut isumaqatigiissut apeqqutaatinagu, soorlu dioxin-inik akuutissanillu avatangiisinut ajoqutaasunik allanik aniatitsinermik killilersuinissaq aallutereerpaat. Naalakkersuisut aasaq ikuallaavissamut nutaamut, ESANI A/S-imit Nuummi sananeqartussanngortumut avatangiisinut akuersissummut akuersisoq nalunaaruteqarput. Avatangiisinut akuersissut avatangiisit pillugit piumasaqaatinik sukannersunik, ilaatigut dioxin-imik akuutissanillu ajoqusiisinnaasunik allanik saliisarnissamut tunngasunik imaqqarpoq. Ikuallaavissap aappaani, Sisimiuni sananeqartussami, immaqalu ikuallaavinni allani 2024-miit minnerpaamik avatangiisit pillugit piumasaqaatit sukannersut naammassineqartussaapput.

Naalakkersuisuniit ammaannartumik ikuallaasarneq siunissamut ungasissumut aqqiissutissatut isigineqanngilaq.

- 2. "Eqqaavilerinermut pilersaarussiaq 2020-2031"-mi Anguniakkat ilaat 4.2-p, eqqaavissuatoqqat salinneqarnissaat imaluunniit atorunnaarsinneqarnissaat aamma deponinik nakkutigisanik*

*taarserneqarnissaasa malinneqarnissaat Naalakkersuisut  
naatsorsuutigaat?*

Akissut: Eqqagassalerineq maannarpiaq allanngoriartorpoq. Eqqaavissuatoqqat unammillernartoqartinneqarnerinut tunngatillugu ilaatigut ukiuni makkunani ikuallaaviit angisuut nutaaliaasut marluk sananeqarnissaat siunnerfigineqarpoq, tassungalu eqqakkat ikuallanneqarsinnaasut illoqarfinniit nunaqarfinniillu assartorneqartassapput. Tamanna ilaatigut eqqaavissuarni pioreersuni eqqakkat uninngatinneqartartut amerlassusiinut killileeqataasussaavoq.

Eqqaavilerinermut pilersaarussiaq 2020 – 2031-mi anguniagassat immikkoortuinut allaaserineqartunut tunngatillugu oqaatigineqassaaq, eqqagassalerinermi akisussaaffik Naalakkersuisut aamma kommunit akornanni avinneqarmat. Naalakkersuisut eqqagassalerinermi qitiusumik oqartussaasutut sinaakkutissanik qulakkeerisussaapput, taakkunungalu inatsisitigut tunngavissat pisariaqartinneqartut aammalu suliaasaqarfiup ineriartorneranut malinnaanissaq tapersersuinissarluk ilaatinneqarput. Kommunit eqqakkanik passussisarnermik paaasarnermillu akisussaaffeqarnermi pingaarnertut oqartussaasuupput. Taamaattumik suliaasanit, eqqagassalerinermut pilersaarussiaq allaaserineqartunit arlalippassuit kommuninit suliarineqartussaapput atuutsinneqalertussaallutillu. Tamanna assersuutigalugu eqqaavissuatoqqani saliinermut matusinermullu atuuppoq. Kommunit siunissami “Eqqaavilerinermut pilersaarussiaq 2020 – 2031”-mi anguniagassat immikkoortuata 4.2-mik naammassinninnissaat Naalakkersuisunit naatsorsuutigineqarpoq, taannalu malillugu eqqaavissuatoqqat salinneqartussaapput, aammalu inissiivinnik nakkutigisanik taarserneqartussaallutik.

*3. Anguniakkat ilaat 4.2 ”Eqqaavilerinermut pilersaarussiaq 2020-2031”,  
illoqarfinni nunaqarfinnilu ikuallatassat ikuallaavinnut  
ingerlanneqartarnissaat Naalakkersuisut naatsorsuutigaat malissallugu?*

Akissut: Kommunit anguniagassat immikkoortuanik 5.2-mik naammassinninnissaat Naalakkersuisunit naatsorsuutigineqarpoq, taannalu malillugu eqqakkat ikuallanneqarsinnaasut illoqarfinnit nunaqarfinnillu tamaniit ikuallaavinnut nutaanut nutaaliaasunullu assartuunneqartassapput. Taamaattumik ilaatigut eqqagassaleriviup kommunit ataatsimoorlutik pigisaat ESANI A/S-ip aamma eqqakkanik assartuussineq anguniagaqarfiusumik sulissutigineqarput.

Kiisalu oqaatigineqarsinnaavoq, ukioq manna Avatangiisinut Aningaasaateqarfik aqqutigalugu ESANI A/S-ip eqqakkanik aalleqattaarnissaanut 1,4 mio. koruunit neriorsuutigineqarsimmamata. Illoqarfinni nunaqarfinnilu eqqakkat katersuuttut ikilisarneqarnissaat siunertaralugu neriorsuut tunniunneqarpoq. Nuna tamakkerlugu eqqaavissat suli piariinngimmata, eqqakkat katersorneqartut Danmarkimi passutassanngorlugit nassiunneqartussaapput. Ilisimatitsissutigineqarsinnaavoq, ukioq manna eqqakkanik poortuineq Danmarkimullu nassiussuineq iluatsilluarsimammat.

*4. Pinngooqqaatit POP-it taakkunangalu nerisaqarnerup kinguneri pillugit  
nuna tamakkerlugu paasisitsiniaanerup qulakkeerneqarnissaanut*

*aningaasartuutissat naatsorsuutigineqartut naammassanersut  
Naalakkersuisunit ilimagineqarpa.*

Akissut: Ilaatigut pinngoqqaatinik POP-inik nerisaqartarneq killilersorniarlugu paasititsiniaanerit ingerlareersut, nerisat pillugit siunnersuiffiusut saniatigut Naalakkersuisut naliliipput, isumaqatigiissut pillugu paasititsiniaanermut aningaasartuutissatut naatsorsuutigineqartut naammattut, aammalu Naalakkersuisut paasititsiniaanermi sulianut siunnersuuteqartoqarnissaa ammaffigaat.


5. *Kommuninut allanut ESANI A/S-ip pilersinneqarlunilu atulerneqarnissaanut ingerlaavartumik Naalakkersuisut oqaloqatiginnittarpat?*
  - a. *Tamanna oqaloqatiginninneq, Stockholmimi nunani tamalaani isumaqatigiissummut atorunnaarsitsinissamut nangaassuteqarnermut sunniutigisinnaasaanut isumaliulersitsisimava?*

Apeqquut 5-imut aamma 5a-mut akissut: Naalakkersuisoqarfiga akisussaasuusoq uangalu kommunit eqqagassalerineq pillugu ingerlaavartumik attaveqarfigaagut. Naalakkersuisoqarfik kommuninut ukiumoortumik avatangiisit pillugit ulloqartitsisarpoq, tassanilu avatangiisit eqqagassalerinerlu pillugit unammilligassat aaqqiissutissallu oqaluuserineqartarput. 2022-mi oktobarimi ukioq manna avatangiisit pillugit ulloqartitsinigit Ilulissani ingerlanneqarput, tassanilu eqqakkanik assartuussineq nunalu tamakkerlugu ikuallaasarnermi aaqqiissutissat nutaat pillugit Naalakkersuisoqarfiup, kommunit aamma ESANI A/S-ip akornanni oqaloqatigiinneq ingerlalluarpoq. Tamatuma saniatigut oqaatigineqarsinnaavoq, Naalakkersuisoqarfiup qaammatit pingasukkaarlugit kommunit ataasiakkaat ataatsimeeqatigisarmagit. Qaammatit pingasukkaarlugit ataatsimiinnerni taakkunani avatangiisit eqqakkallu qulequtarineqartarput. Ingerlaavartumilli oqaloqatigiittarnerit taakku Naalakkersuisut Stockholmimi nunani tamalaani isumaqatigiissummut tunngatillugu nunamut nangaassuteqarnerup atorunnaarsinneqarnissaanik inassuteqaataata allanngortinnissaanut tunngavissiisimangillat.

Inussiarnersumik inuulluaqqusillunga

  
Kalistat Lund





INATSIARTUT

Nunalerinermut, Imminut Pilersornermut,  
Nukissiutinut Avatangiisinullu Naalakkersuisoq  
[/pan@nanog.gl](mailto:pan@nanog.gl)

Ulloq: 03-11-2022

J.nr.:01.37.02.05-00073

### **Stockholmimi nunani tamalaani isumaqatigiisummut tunngatillugu nunamut nangaassuteqarnerup atorunnaarseqquneranut kingunerisinnaasai pillugit apeqqutit**

Stockholmimi nunani tamalaani isumaqatigiisummut tunngatillugu nunamut nangaassuteqarnerup atorunnaarsinneqarnissaa aalajangiiffissatut siunnersuutigineqarsimavoq, Eqqissimatitsinermit Avatangiisinullu Ataatsimiititaliamullu innersuussutigineqarsimalluni. Siunnersuutip siullermeerneqarnerani oqallinnermi Ataatsimiititaliamit Naalakkersuisunut ataani allassimasunut apeqquteqalersitsivoq.

Kommunip eqqaaveqarnermut ingerlatseqatigiiffiata ESANI A/S-ip tunngaviatigut Stockholmimi nunani tamalaani isumaqatigiisummi pisussaaffiit malissimagai ataatsimiititaliap paasivaa.

1. Stockholmimi nunani tamalaani isumaqatigiisut Kalaallit Nunaanni kommune ataaseq arlallilluunniit ESANI A/S atunggippasuk, kisiannili Naalakkersuisut akuerisaat atorlugit ikuallaasarunik pisussaaffiit malissinnaassavai?
2. "Eqqaavilerinermut pilersaarussiaq 2020-2031"-mi Anguniakkat ilaat 4.2-p, eqqaavissuatoqqat salinneqarnissaat imaluunniit atorunnaarsinneqarnissaat aamma deponinik nakkutigisanik taarserneqarnissaasa malinneqarnissaat Naalakkersuisut naatsorsuutigaat?
3. Anguniakkat ilaat 4.2 "Eqqaavilerinermut pilersaarussiaq 2020-2031", illoqarfinni nunaqarfinnilu ikuallatassat ikuallaavinnut ingerlanneqartarnissaat Naalakkersuisut naatsorsuutigaat malissallugu?

Aalajangiiffisassatut siunnersuummi aningaasaqarnikkut allaffissornikkullu sunniutaasussatut paasisutissiissutigineqarpoq, "allaffissornikkut inatsisiliornermi, nalunaarutiginninnermi, avatangiisinut misissuinermi aamma paasisitsiniutitut atortuusinnaasunut aningaasartuutissat" 550.000 – 1.050.000 koruuninik annertussuseqassasut. Siunnersuummi ilanngussaq 3-mi, takussutissiaq 6-imi nalilerneqarpoq, kommuninut innuttaasunullu paasisitsiniaalluni siammarterinissamut atortussanut aningaasartuutissat 25.000 kr. – 100.000 koruuniunissaat.

4. Pinngoqqaatit POP-it taakkunangalu nerisaqarnerup kinguneri pillugit nuna tamakkerlugu paasisitsiniaanerup qulakkeerneqarnissaanut aningaasartuutissat naatsorsuutigineqartut naammassanersut Naalakkersuisunit ilimagineqarpa?

Ataatsimiititaliap maluginiarpaa, tusarniaanermi taamaallaat Kommune Kujalleq Suleqatigiissitsisullu akissuteqarsimasut.

5. Kommuninut allanut ESANI A/S-ip pilersinneqarlunilu atulernerneqarnissaanut ingerlaavartumik Naalakkersuisut oqaloqatiginnittarpat?

- a. Tamanna oqaloqatiginnineq, Stockholmimi nunani tamalaani isumaqatigiissummut atorunnaarsitsinissamut nangaassuteqarnermut sunniutigisinnaasaanut isumaliulersitsisimava?

Qulaani apeqqutit kingusinnerpaamik 9. november allakkatigut akissuteqarfigineqarsimanissaat (kalaallisut danskisullu) ataatsimiititaliap kissaatigaa. Akissutit qarasaasiatigut ataatsimiititaliap allattaanut nassiuteqquneqarput ([miuo@inatsisartut.gl](mailto:miuo@inatsisartut.gl)) aamma Inatsisartunut ([inatsisartut@inatsisartut.gl](mailto:inatsisartut@inatsisartut.gl)).

Apeqqutit siuliani allassimasut – nipangiussisussaaneq eqqarsaatigalugu – oqaasinngorlugit akineqartariaqartutut Naalakkersuisunit nalilernerqarpata, tamanna sapinngisamik piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiinnissamut ulluliussassatut siunnersuuteqarluni.

Qujareerlunga,

Eqqissimatitsinermut Avatangiisinullu Ataatsimiititaliaq sinnerlugu

Inussiarnersumik inuulluaqqusillunga



Nivi Olsen

Ataatsimiititaliami siulittaasuugallartoq